

LITLHALOSO

 'Moho le mapaki ana le kananelo ea khaitseli ea rona ea iketseng, ke rata ho siea mantsoe ana, hape. Setsoalle sa ka sa pele le lelapa la Bell e ne e le sa monna oa hae, Jimmy, eo e neng e le motsoalle oa hlooho ea khomo oa ntate ea seng a ile. 'Me ha ke fihla lilemong, ka fetoha moreri 'me ka tsebana le Khaitseli Bell, le ho mo tseba e le Mokreste ea inehetseng oa sebele. Kaofela re tla mo hloloheloa, hohle. Ho bonolo haholo ho bua mantsoe holim'a motho ea kang enoa, hobane ha u hloke ho honyetsa letho. E ne e le se neng se hlokoa ho ba Mokreste.

² Eitseha ke utloa khaitsedi a bina, nakoaneng e fetileng, e nkhopotsa 'mino oa hae hakana, kamoo re mo tsebang tikolohong ena. O ne a rata ho bina. Ke thabile haholo ha sena se entsoe, hoba ruri se entsoe kamoo Khaitsedi Bell a ka beng a ikutloile kateng. O ne a ka rata ho itlhalosa ka tsela eo. Thapelo ea ka, le thapelo e tsepehileng, hore bohole re fihle qetellong ea tsela ka bopaki bo kang ba hae.

³ Ke lakatsa ho bala lethoana Lengolong mona, karoloana feela. Ke utloa hoba e ne e le morati e moholo oa Lentsoele la Molimo, 'me Lentsoe la Hae ke la Bosafeleng hona. 'Me ke ile ka nahana ho bala karolo ea khaolo ea 14 ea—ea Jobo.

Motho ea tsoetsoeng ke mosali o na le e matsatsi a seng makae, 'me o khotše litsietsi.

O mela joaloka palesa, 'me o a rengoa: o feta joaloka seriti, 'me ha a hhole a ba teng.

...na u tutubolla mahlo a hau ho motho ea joalo, 'me u nkisa kahlolong le uena na?

Ke mang ea ka ntšang ntho e hloekileng ho e sa hloekang? e seng a le mong.

Erekaha matsatsi a hae a beiloe, palo ea likhoeli tsa hae e ho uena, u se u mo 'mehetse meeli eo a ke keng a e feta;

Mo furalle, a phomole, a be a phethe, letsatsi la hae, joaloka motholuoia.

Hobane tšepo e teng ha sefate se ka rengoa, hobane se tla tsoha hape, le hore makala a bonolo a sona a se ke a fela.

Le hoja motso oa sona o tsofala lefatšeng, le kutu ea sona e shoa mobung;

Leha ho le joalo ka monko oa metsi e tla thunya, 'me e behe . . . joalo ka semela.

*Empa motho o a shoa, a be a timele: e, . . . neela moea,
'me o kae?*

*Joaloka metsi a leoatle a qhibilihang, linoka li khaba,
li pshe:*

*Motho o a robala, 'me ha a tsohe: ho fihlela leholimo
le le sieo, ba ke ke ba tsoha, leha e le ho tsosoa borokong
ba bona.*

*Hoja u tla mpata lebitleng, oa nketsetsa oa mpalla
sephiri, ho fihlela matsatsi a khalefo ea hau a feta, . . .*

*Motho ha a shoa, na o tla phela hape? ka matsatsi 'ohle
a nako ea ka e behiloeng ke tla lebella, ho fihlela phetoho
ea ka e fihla. Ke . . .*

*U tla bitsa, . . . ke tla u araba: u tla lakatsa ho etsa
mosebetsi oa letsoho la hau.*

*Hobane joale u bala mehato ea ka: . . . u hlokomela sebe
sa ka na?*

⁴ Ha ke bala Lentsoeng la Bosafeleng, ke rata ha re ka nahana ka lentsoe le le leng feela metsotsoana e seng mekae, 'me lentsoe leo ke: *Litlhaloso*.

⁵ Bo teng boholo ba bophelo e leng litlhaloso. 'Me ha ho motho ea phelang lefat'seng empa nako e itseng bophelong ba hae o tla tlameha ho emisa le ho nahana moo a tsoang teng, morero oa hae ke ofe mona, ebe o habile kae kamora mona. E mong le e mong o rata, a ka rata ho sheba ka nqane ho lesira.

⁶ Ho bala mona Bukeng ea khale ka fetisisa ka Bibeleng, Jobo, mopatriareka enoa, o ne a leka ho fumana hona hona. 'Me o ne a bulela a maikutlo a hae a Molimo, ho hhalosa hore E ne e le e—e bophelo ka mora lefu.

⁷ Rona ka linako tse ling re ikutloa, ha re tobane le ntho e kang ena, hore ena ke qetello. Empa ha ho joalo. Ke phetoho. Ke eona . . . khato e holingoana. Ke ho tloha bophelong bo bong ho ea ho bo bong.

⁸ 'Me Jobo, moporofeta, ha a ntse a nahana ka lintho tsena, a e lemoha limeleng, bophelo ba limela, bophelo ba sefate. Ka baka leo a lemoha seo, kamoo Molimo o loketseng ho ba teng popong ea Oona; hore haeba O entse tlholeho, O tlameha ho phela tlholehong, hobane O e entse ka morero, hore o tle o Ikahele ho eona, joaloka ntlu eo motho a ka e hahang. Mapheoana ana 'ohle a leng pōpong eohle ea Molimo a tlas'a bolaoli ba Moetsi oa bona. 'Me o ne a nahanne, hore, ha sefefo se ka fihla sa liha sefate se seholo, koana, e ne e se pheletso ea sefate seo. Se ne se tla boela se phela. Ha sefate se e-shoa, se ne se tla phela.

⁹ 'Me hangata, ha re ferekane, ha re ka qamaka mathokong a rona, u ka bona Molimo hohle. Joale re tla Mo nka, joaloka ho sefate se beoa mona.

¹⁰ 'Me ntho ka 'ngoe e mona ho sebeletsa morero, joalokaha re le mona ho sebeletsa morero, joalokaha khaitseli ea rona a ne a le mona ho sebeletsa morero. Bohle re mona ka morero oa Molimo, ha re ka fumana seo morero oo o leng sona, 'me ra o sebeletsa hantle. Teng, ruri, efela ha Molimo u tsotella tsoho ea bophelo ba limela hakaale, O fela o tsotella tsoho ea bophelo ba motho ka ho lekana.

¹¹ Ka hona Jobo a hlokomela, mopatriareka, hore—hore sefate, ha se ka shoa, se ne se phela hape. Le kamoo lehlabula le mariha li fetotseng libōpuoa tsa eona, 'me letsatsi le leng le le leng mono la siea bopaki. O ile a hlokomela haeba e—e sefate se ne se phela nakong ea lehlabula, 'me se bonahala se shoele nakong ea mariha, mahlaku a neng a leketlile sefateng.

¹² Joale, re a rutoa Lengolong, hore, se teng Sefate sa Bophelo. Se ne se le t̄simong ea Edene. 'Me Sefate sena sa Bophelo ke hona moo Bakreste ba leketlileng, joaloka lehlaku Sefateng sena.

¹³ 'Me joale nakong ea mariha, ha mahlaku a le matle, khele, 'ona . . . Kapa, nakong ea lehlabula, ke rialo, mohla mahlaku a leng matle a le mata, ka mora nakoana serame se a fihla 'me se a taka mebala e fapaneng, a foforeh a sefateng. 'Me bophelo bo khutlela motsong oa sefate. Ha re ka hlokomela feela, ke mohlolo oa taba.

¹⁴ Mona nakoana e fetileng, nkile ka tobana, ka qoqa le monna ea neng a itlaleha e le mohanyetsi, mosalumele. 'Me re eme pel'a sefate sa hae sa liapole. 'Me ka 'motsa lilemo tsa sefate seo, 'me a mpolella palo ea lilemo, le hore na se ne se beha lihlahla tse kae tsa liapole ka selemo. 'Me mona e ne e le mathoasong a Phato, 'me ka tseba, ka hlokomela hoba liapole li se li oela fatše, 'me mahlaku a soothofala. 'Me ka 'molella, "Ke rata ho u botsa potso." Ka re, "Ke hobane'ng mahlaku ao a soothofala a foforeh a sefateng le pele ho fihla serame sefe?"

¹⁵ "Be," a re, "ke mariha a tlang. 'Me lebaka la ho soothofala ke hobane bophelo bo falletse lehlakung."

Ka re, "Bophelo bo ile kae?"

¹⁶ 'Me a re ho 'na, "Ho khutlela motsong oa sefate, moo bo tsoang teng."

'Me ka re, "Na ke ho fela ka lehlaku leo?"

¹⁷ A re, "Che. Bophelo boo bo tla khutla isao hape, ka lehlaku le lecha." A sa ka a e hlokomela pele.

¹⁸ Ka re, "Joale, ke a u rapela, mpolelle, monghali, ke bohlale bofe bo khotholang lehlaku leo sefateng le pele ho boso batang, le ho khutlisetsa bophelo ba lona mobung, ho bolokeha, hofihlela sehla se seng se fihla. U ka t̄sela metsi nkhong oa e beha holim'a thupa, a ke ke a fetoha mohla sehla sa selemo. Hoo ho supa Molimo o leng teng O kakatletseng bophelo."

¹⁹ 'Me rona ba ipitsang Bakreste, ba tsoetsoeng ke Moea oa Molimo, re khonne, ka mohau oa Molimo, ho tlosoa sefateng sa lefu ho isoa sefateng sa Bophelo. 'Me ha le leng la mahlaku le foforeha, jioalokaha ha ke utloile bopaki boo ho tsoa . . . kerekeng ena e khabane, Kerekeng ea Gilt Edge Baptist, moo metsoalle ea ka e mengata e leng litho, moo le leng la mahlaku a sona le oeleng teng. Re a tseba bophelo boo bo khutletse ho Molimo O bo abileng ka morero o itseng, feela ho boela bo khutla tsohong e akaretsang; ho se hhole bo e-oa hape, Lilemong tse Sekete. Nako e kholo eo e tlang ho tla.

²⁰ Jobo o ne a lemohile lintho tsena. Eaba o hlokomela bophelong ba letsatsi.

²¹ Ha u ka hlokomela, hoseng, letsatsi le a chaba, ke lesea. Mahlaseli a lona a fokola. Le ntoo fihla lilemong tsa lona tsa bocha, mohlomong hora ea borobong kapa ea leshome. Joale motše share, har'a mpa ea motše are, le matleng a lona. Le ntoo qala le theoha, 'me qetellong le khutlela Bophirima, ha le eshoa bakeng sa letsatsi. Na eo re ka e bitsa pheletso ea letsatsi? Che. Hoseng ho hlahlamang, le khutla hape, ho re hlahisetsa letsatsi le cha.

²² Joale, sena ke eng? Ke tlhaloso ea Molimo. 'Me *tlhaloso* ke lentsoe le bolelang "ho tsebisa maikutlo." Ke tlhaloso ea Molimo . . . tlhaloso ho rona, ho re tsebisa maikutlo a Oona ho rona, hore lefu ha le re arohanye ka Bosafeleng. Re tla tsoha hape, re khutle hape.

²³ Nako le nako ha peō e shoa lefatšeng, nakong ea ngoaha, joaloka lipalesa tsena, bona, lithootsenyana li phochoha ho tsona ha serame se li tea, 'me thootse e theoha e kena mobung. 'Me leha e ka bonahala e makatsa, koana ke 'nete, Molimo ke mohlokapeletso hoo O sa tloliseng letho mahlo. O hlophisa mokoloko oa lepato la palesa ea Oona. Hoba li otloe ke serame, ke moo ho fihang lipula tse nang, le likeleli tse kholo, tsa marotholi a pula, a theoha a tsoa leholimong, 'me a epela peō eo ea palesa, a e phathatsa, 'me mohlomong e teba inchi kapa tse peli tlas'a lefatše. Joale meea e batang ea mariha e qala e haola, 'me—'me lipetalenyana li ponne, le tlhaka e felile, ebe moo kotolana e hoamang le ho omella. 'Me peonyana e a hoama, 'me nama ea eona e phorotseha ho eona. 'Me, khele, nakong ea sehla sa selemo, ha u fumane letho la eona.

²⁴ Empa na eo ke pheletso ea palesa? Le ka mohla lekhale. E behiloe mona ka morero. 'Me hoba e phethe morero oa eona hantle, ke moo Molimo o re tsebisang, ka palesa, O a re hhalosetsa.

²⁵ Ruri joalokaha letsatsi le sa phetse ho atamela lefatše, ho hlahisa mahlaseli a futhumetseng ho feta, u ne u ke ke oa pata bophelo boo kae kapa kae. U ka bo koahela ka lejoe. Na u kile ua hlokomela ha u ala konkreiti ea hau nakong ea mariha, joang

bo botenya ka ho fetisisa bo metse kae nakong ea selemo? Hantle moeling oa konkreiti. Hobaneng ho le joalo? Ke bophelo bo ka tlas'a lefika. Ha letsatsi le qala le futhumatsa lefatše, u ka sitoa ho thiba bophelo. Bo tla fumana tsela ea ho tsoa tlas'a konkreiti 'me bo hlahise hloohoana ea bona, ho rorisa Molimo, hobane letsatsi ke tsoho. L-e-t-s-a-t-s-i [English: s-u-n—Moft.] ke tsoho ea bophelo bohole ba limela. U ke ke ua bo pata ha feela letsatsi le chaba.

²⁶ M-o-r-a [English: S-o-n—Moft.] o bonahala, khafetsa, a le hole haholo. Empa ha A qala a hlaha, "Letsatsi la ho loka le tla chaba ka pholiso mapheong a Hae." "Me bophelo bo bong le bo bong, ho sa tsotelehe moo bo epetsoeng, bo tebile hakae, bohole bo bokae metsing, kapa mahlabatheng, kahar'a mafika, bo tla nyoloha tlottlisong ea Molimo.

²⁷ Hobane, Molimo o a re hhalosetsa, ho re bontša seo O se etsang. Morero oa Oona ke ho re bontša, ka lipalesa, ka letsatsi, ka lifate, bophelong bohole, hore ke Oona tsoho le Bophelo. Molimo o tsosa Bophelo ba Oona haeba bo sebetsa morero oa Oona.

²⁸ 'Me haeba palesa e sebetsa morero oa eona, le Molimo o beetse palesa tsoho, hakakang bakeng sa khaitseli ea rona e sebetsang morero oa eona bophelong. Molimo o behile tsoha bakeng sa ba sebeletsang morero oa bona. Re ka fumana morero oa rona 'me re ntoo o sebeletsa.

²⁹ Lipalesanyana tsena, u ka botsa ka tsona. Li teng mona, thapama ena, ho sebeletsa morero. Lipalesa tsena, Molimo o li etselitse, ho sebeletsa morero. Ho ea joalo le joalo ho ka tsoeloa pele.

³⁰ Haeba u hlokomela, lipalesa tsena 'mala oa tsona ha o tšoane kaofela. Li fapane ka 'mala, ho bontša hoba Molimo ke Molimo oa lintho tse mefuta-futa. O rata mebala e fapaneng. Ho e kopanya 'moho ho bopa lesihla leo O ratang. Molimo, Modimo oa lintho tsa mefuta-futa. O na le lipalesa tsa Oona tse tšoeu. O behile lipalesa tsa Oona tse khubelu. 'Me ling tsa Oona, mebala eohle ea lipalesa, 'me ho li hlophisa 'moho li pethisa morero oa Oona.

³¹ O behile le lithaba tse kholo, le marallana, le thota. O na le mahoatata. O na le leoatle. O na le sefate sa eike, sefate sa palema. Ntho e 'ngoe le e 'ngoe e khohlela litulong tsa eona, moo, Molimo, Molimo oa tlhaho eohle o ka phelang teng le ho thabela boleng ba Oona, e le ho phela ka har'a libopua tsa Oona nakong, ho sebeletsa morero oa Oona.

³² Haeba O nahana hakaalo ho tsosa hoo, le ho etsetsa hoo tsela ea ho phonyoha, bakeng sa tšebeletso ka moso hape, hakakang O etsetsang batho, ho sa tsotelehe hore re bomang, morabe ofe, 'mala, tumeloana, kapa eng hape, e ka ahang 'moho ka bonngoe ba Boteng ba Molimo le mahlohonolo a Oona. Tsoho e tla fihla,

ka letsatsi le leng, ruri joalokaha tsoho ea palesa e le teng. Bohle re bona seo. Bohle re lumela seo. Bohle re tseba lintho tsena tsohle e le tlhaloso. Li ntse li paka, li re bolella, ho etsa, ho tseba maikutlo ao Molimo o batlang ho re tsebisa 'ona.

³³ Batho ba rometseng lipalesa tsena, metsoalle ea khaitseli ea rona e rometseng lipalesa tsena, li boetse li tsebisa balelapa, ho ba hhalosetsa maikutlo a bona a kutloelo-bohloko ka motsoalle, a khalitseli, kapa—kapa moratua. Ba ntse ba leka ho hhalosa. Ke litlhaloso, ho tsebisa, ho phatlalatsa ho hong.

³⁴ Lintho tsena tsohle tseo re ka buang ka tsona, lihora tse ngata, litlhaloso tsa Molimo ho moloko oa batho, tsena tsohle li phethisa karolo ea tsona, li e phethisa ka makhethe. Palesa ka 'ngoe, sefate ka seng, ho chaba ha letsatsi ka leng, ho likela ha letsatsi ka leng, ntho ka 'ngoe e sebetsa karolo ea eona hantle. Empa lithaloso tseo tsohle tsa Molimo, li a re tsebisa, le ho re beela mohlala, hore O tla hlahisa tlhaloso e kholo ka letsatsi le leng, tlhaloso ea Bosafeleng.

³⁵ Eaba O re romella setšoantšo sa Oona se hhalositsoeng, ka sebopheho sa Mora Oa Oona. Molimo o rometse Mora oa Oona, ka setšoantšo sa Oona se hhalositsoeng, ho tsebisa moloko oa batho seo O se hopotseng ka rona. O ile oa fetola tšobotsi ea Oona. Oa fetoha motho. O fetoha e mong oa rona.

³⁶ Ho tsoa ho Molimo, Ntate oa Bosafeleng, ho tsoa ho 'Mopi e moholo Eo, pele lefatše le eba teng, o neng o tlatsitse sebaka sohle, nako. Ho se le e—e methara kapa methara oa leseli, eibile ho se athomo kapa molek'hule, E ne e ntse e le Molimo. 'Me O tla lula e le Molimo kamehla. Empa moholo Eo Ea... Holane u ka lelala bosiu le ho bona linaleli ka lekhotla la letsatsi le mahlahana a lona. Lilemong tse 'maloa tse fetileng, ke fuoe monyetla oa ho sheba ka sek'oupu se seholo sena, 'me teng ho thoe u ka bona lilemo tse limilione tse lekholo le mashome a mabeli tsa sebaka sa leseli, ka litekanyo tsa leseli. 'Me ka nqane e sa ntse e le likhoeli le linaleli le mafatše, tseo O li laolang.

³⁷ 'Me hape O ne o tsotella hakana ho re hhalosetsa, ka ho tseba boholo ba Oona bo le bo kaale. Koana, O theohile ka sebopheho sa motho, ho hhalosa seo O neng o le sona. Oa fetoha Motho oa mahломола, ea tsebang masoabi. O phetse bophelo ba motho. O se na moo o samelang hlooho ea Oona teng. O ne o hhalosa seo E neng e le sona, seo Molimo o neng o le sona. Oa folisa ho baba ha rona ha re ne re kula. O ile a tsosa bafu, ho bontša hoba E ne e le setšoantšo sa Molimo se hhalositsoeng. O re behetse bohole leano, moo le rona re ka shebang litlhalosonyana tsena le ho bona Molimo. Hape re ka lelala 'me ra bona tlhaloso e khōlō ea Molimo, 'me re be le kholiso, ke hona, hore etlereha lihora tsena li fihla, ena ha se qetello ea eona.

³⁸ Ke rata tlhaloso eo ea khaitseli ea rona, ha a ne a bina, a e buile metsotsong e 'maloa e fetileng, "Enoa ke khaitseli ea ka.

Nke ka bina tjena” haese ha a ne a tsebile moo a neng a le teng. Le a bona?

³⁹ Mokhoa o teng oo ka ona re tsebang moo re eang teng, hobane setšoantsō sa Molimo se bonahalitsoeng se ralile leano lena. ’Me, O boletse, mang le mang ea amohelang leano lena o tla ba le Bophelo Bosafeleng. Johanne 5:24 e re, “Ea utloang Mantsoe a Ka, ’me a lumela ho Ea Nthomileng, o na le Bophelo ba kamehla, ’me a ke ke a tla Kahlolong; empa o tlohile lefung ho kena Bophelong.”

⁴⁰ Tlhaloso e kholohali ho tsohle e ne e le Jesu Kreste, Ea re etselitseng tsela. O ile a phethahatsa le ho netefatsa litlhaloso tsohle tseo lipalesa tsena, le bophelo ba limela, le lintho tse joalo, le letsatsi, le letsatsi le mahlahana a lona, li ileng tsa li paka pele A Fihla, hore ho ne ho tla fihla Ea Lokileng ea neng a tla etsa hore re E lumele ka ho tiea, hobane E ne e tla ba setšoantsō sa Molimo se bonahalitsoeng. ’Me mohla A neng a fihla, le ho etsa seo A se entseng, O pakile hobane litlhaloso tsena li ne li lokile. O ile a ba netefaletsa tsona. Hobane, joalokaha palesa e boela e tsoha, sefate se boela se tsoha, letsatsi le boela le chaba, le Mokreste o tla tsoha hape. E tlameha joalo. Hobane, Molimo, ka setšoantsō sa motho ea bonahalitsoeng, kapa motho ea leng setšoantsong se bonahalitsoeng sa Molimo, o e pakile ka tsoho ea Hae.

⁴¹ Eaba, kahare ka mono, eitseha moporofeta a bona lintho tsena li etsahala; Jobo, eitseha a bona bophelo bohle ba limela, le joalo-joalo. Ebile, rōna ba tloaetseng Bibele re a e tseba. O ne a lutse thotobolong ena ea molora, a tsielehile, mathata a mo oetse holimo. Litho tsa kereke ea hae li ne li mo boleletse e ne e le e . . . o ne a entse sebe ka lekunutung.

⁴² Hangata ho itsoe, ha thoe, “Motho o shoa pele ho nako, kapa ntho e ’ngoe, e ka ba sebe seo ba se entseng. Ba entse ntho e phoso.” Che . . . Ha ho joalo ho Mokreste.

⁴³ Eitse ha a bona tlhaloso e kholo ena, ea ho qetela, Molimo o tsebahatsang leano la Oona ka Jesu Kreste, o ile a phahamisa lentsoe. Eitseha mahalima a halima, le lialuma li luma, a re, “Ke a tseba Molopolli oa ka o a phela, ’me matsatsing a ho qetela O tla ema holim’ a lefatše. ’Me leha seboko sa letlalo se se se sentse ’mele oa ka, koana ke tla bona Molimo ka nama ea ka, Eo ke tla iponela ka bona.” O bone tlhaloso eo ea ho qetela, makholo a mangata a lilemo a pele. Empa, ka ho ba moporofeta, ponong o bone ho fihla ha tlhaloso e kholo ea Molimo.

⁴⁴ O ne a ka sheba fatše le ho bona tsoho ea lipeo. A ka bona bona tsoho ea lifate. Le tsoho ea letsatsi, hoba le qete ho sebeletsa nako ea lona, le ho tsoha hape; ha le se le sebelitse lets’ehare, le tsosetsoa letsatsi le leng. Lipalesa tse etsesetsoang tšebeletso ea lepato le le leng, li a shoa, ’me li tsosetsoa tšebeletso e ’ngoe ea lepato. Ntho e ’ngoe le e ’ngoe e sebetsa morero oa eona. Eaba o

bona, hojana koana, ho Tla ha Ea Lokileng, 'me a hoeletsa, "Ke a tseba Molopolli oa ka o a phela."

⁴⁵ "Nama ea ka e tla phomola ka tšepo," ho boletse Davida, "hobane A ke ke a lesa Mohalaleli oa Hae ho bona ho bola; le joale A ke ke a lesa moea oa Hae liheleng." O bone tsatsi leo, tlhaloso e phethahetseng eo ea Molimo, seo A neng a tla se etsa; ho tsebisa, ho motho, hore lefu ha se pheletso ea tsela.

⁴⁶ Ena ha se pheletso. Ena ke qalo. Ke qetello ea masoabi. Ke qetello ea nako ea ho etsa qeto. Empa ke qalo ea nako ea thabo le moputso. Ha se pheletso ea tsohle. Empa e le pheletso ea—ea lintho tse shoang, ho qala tse sa shoeng. O ile phomolong ea hae. Molimo o phomotse moea oa hae.

⁴⁷ Joale, o ile a llela tlhaloso ena e kholo, hoba a bone se neng se tla etsahala.

⁴⁸ Joale a re finyelleng qeto ena. Re bokane mona kajeno, ho—ho hhalosa, kapa ho tsebahatsa maikutlo a rona ka moahelani, mabapi le khaitseli, mabapi le mosali, mabapi le 'mè. Lebaka la ho phutheha ha rona thapama ena; ho tsebisa, ho hlahisa maikutlo a rona, tahleheloa ea rona. Ke lebaka la rona mona, ho etsa sena. Ntate o lokela ho hhalosa tahleheloa ea mohatsae; bana, 'mè; moahelani, kapa khaitseli.

⁴⁹ Rona bareri. Joalokaha ke ba utloile, ho theosa le moaho, ba hlahisitse matšeliso a babatsehang ao, a ttlehang, a khothatsang, a iphotlileng, ka seo khaitseli a neng a se bolela ho bona, le phuthehong ea bona. Rona bareri re tlie, thapama ena. Ehlide, ka lipelong tsa rona, re ikutloa re hlonyme, le rona. Empa re tlie ho hlahisa tlhaloso ea Molimo, hape, 'Nete ea Oona ka taba ena eohle. Re tlie ho hhalosa seo Molimo o se buang ka eona, ho tselisa lipelo tsa batho; ho ba tsebisa, leha koana letšoho le le thata hakaale, koana ke paballong ea Molimo o Matlaohle ho e sebetsa ka mokhoa ona, 'me ke leano la Oona. 'Me ena ha se pheletso. Ena ke qalo ea bophelo bo bocha.

⁵⁰ Hape rona bao Molimo o ba rutang Lentsoeng la Oona, ka lintho tsena, re tiela ho taka tlhahiso ea rona. 'Me ke thabile hakakang ka enoa thapama ena, haele moo bohole re ka hhalosa ntho e tšoanang nqa Lentsoe la Molimo, hoba o ile a Le phethahatsa.

⁵¹ Khaitseli Bell, kamoo re mo tsebileng mona tabernakeleng, mosali ea ratehang, ea halalelang, oa Mokreste, o ne a hhalosa maikutlo a hae, le eena. O ile a tsebahatsa maikutlo a hae ka Molimo. Joalokaha ke utloile ho baloa bophelo ba mofu, nakoana e fetileng, le pele Moena Jim a mo nyala, ke a kholoa, tlase Tennessee, o ile a etsa qeto ea hae. O ile a taka maikutlo a hae. Ka ho ts'oana, ke mapaki. 'Me ho latela tsebo ea ka, ho tloha mohlang oo, ha a eso khaotse ho taka tlhahiso eo. Mohlomong, kajeno, koana liotlong tsa Leholimo, kae-kae linqalng tsa Bosafeleng tsa Khanya, ho tsamaea literateng tsa

Molimo, a ntse a e hhalosa. Mose oane oa meriti ena ea 'muso o shoang, o sa ntse a e hhalosa.

⁵² Khaitseli Bell, joalokaha re mo tseba, o ne a sa soabele bopaki ba hae. Ha ho mohla a kileng a fubela ka bopaki ba hae. Ha ho mohla a kileng a khanana ho bua ho hong. O ile a bo taka, 'me o ne a se hlajoe ke lihlong. Kamoo nkileng ka 'mona a eme morao mono a phahamiselitse matsoho a hae sebakeng, le likelei li theoha marameng a hae. Ho 'mona a eme mona sefaleneng sena, le ho bina lifela tse hapelang kereke eohle mohoong oa litlatse, oa Naha, e ka mose ho mona. O ne a sa hlajoe ke lihlong. O ne a taka maikutlo a hae hohle. Moahelani e mong le e mong, kereke e 'ngoe le e 'ngoe, hohle moo a neng a kenela teng, o ile a itsebahatsa, a taka seo a neng a se nahana ka Molimo. E ne e le bophelo ba hae, sohle seo a neng a ka ba sona, o ile a taka seo a neng a le sona ka ho Kreste Jesu, sebopuoa se tsoetsoeng bocha.

⁵³ E ne e le motsoalle ea ratehang oa 'mè leqheku leo—leo le hloeleng eona methati eo, liveke tse 'maloa tse fetileng. Kajeno, ba 'moho.

⁵⁴ Ke ntho e babatsehang hakakang, ho boha litlhaloso, kamoo Molimo o sebetsang. Mangolo a hae; Khaitseli Bell. Nako le nako ha ke fihla lapeng, Billy, mora oa ka, o ne a ntlisetsa sehlophsa sa mangolo, mehala, khafetsa, ho tsoa ho Khaitseli Bell. "Rapella enoa. Rapella eane." Seo, se ne se etsa eng? Ho 'na, eo e ne e le tlhaloso ea hae, ho ntsebisa se neng se le kahare ho eena; moroalo nqa mohahabo, moroalo nqa bana ba hae, moroalo nqa e mong le e mong ea neng a le haufi, le mokuli e mong le e mong.

⁵⁵ Khaitseli Bell o batla a phetse ka mohau oa Molimo, lilemong tse 'maloa tsa ho qetela. E ne e le molumeli ea tsepahalang matleng a Molimo a folisang. 'Me ho etsahetse bosiu bo bong... . Ke ne ke eso mo rapelle bophelong ba ka le ka mohla, le ho rapela le mohalaleli eo oa khale ea ratehang, hofihlela, ho Molimo ho mo folisa.

⁵⁶ 'Me bosiusing bo bong, ha ke bitsoa, ke sa tsoa kena ho tsoa Arizona, e ka ba ho ella khitla ea bosiu. Ba ile ba letsetsa mora oa ka le ho re, "Khaitseli Shepherd, motsoalle oa Khaitseli Bell, o batla hore u mo rapelle. O kokelong." Ka utloisia e le Khaitsedi Shepherd; mofumahali e mong, e ka ba o teng ka mohahong joale, ea bitsoang Shepherd, eo a mo tsebileng. Ka hopola a ne a le kokelong.

⁵⁷ Hoseng ho hlahlamang ba letsa hape, e batla e le leshome le motso o mong le ho hong, le ho re, "Ha se Khaitseli Shepherd. Ke Khaitseli Bell, ka seqo, ea kokelong." Le ho bona seo, paballo e bohlale ea leano la Molimo. Pele a ka fihla mono le ka mohla, keha Khaitseli Bell a se a hloele Methati ea gauta. Pele nka fihla mono, Molimo o no o khethutse rosa ea Oona e 'mala, ho hlophisa lesihla la Oona bakeng sa Lilemo tse Sekete. Pele nka fihla mono

le ka mohla, keha a se a faletse ho kopana le Molimo. Tlhaloso ea Molimo ea lerato la Oona!

⁵⁸ Lilemo tsena tsohle tsa lenyalo le thabileng e ne e le bonomo ba botšepehi ba hae joaloka mosali, ho hlophisetsa monna oa hae le bana ba hae lelapa. Hoo ho itlhakisitse mehleng ea linako tse thata, mohla mathakanyana a neng a teetse tafole hare, ho le boima. 'Me, 'mè, ho hloko 'mè ho tseba mokhoa oa ho tenya lintho, ho etsa hore e tšoarelle—e tšoarelle, mohla melongoana e lapileng e teetseng tafole hare. Empa, ho ema le monna oa hae, ka botšepehi, ho ema le bana ba hae, e ne e le tlhaloso ea botšepehi ba makhonthe. Ke ka pel'a e mong le e mong oa lona. Ke ne ke sa tlameha ho rialo. Le a tseba hoo ke 'nete. Le a bona? E, monghali.

⁵⁹ Le thapeli ea hae e phehellang bakeng sa bana ba hae! Ha ke kholoe nkile ka kopana le eena, kapa ho arohana le eena, a sa ka a quella bana bao. Hoo ho supile bo-'mè ba sebele, ho tseba hobane bophelo ke toro feelsa kapa nqalo ea boitlhophisetso. Bakeng sa bana ba hae, o ne a batla ho kopana le bona Lefatšeng mose oane le mona, moo linako tse boima li ke keng tsa hlola li hlaha. O ne a sa phetse ho mpolella... O ne a mpitsa Moena Billy. O ne a re, "Moena Billy, rapella bana ba ka, ho se be le ea mong oa bona ea tla timela." Haeba hoo ho sa take bo-'mè ba sebele; 'mè ea thahasellang baneng ba hae, ea thahasellang baahisani ba hae, monna oa hae, moratuoa oa hae! Ke Molimo ka ho mosali, a ntse a hhalosa lintho tsa Bosafeleng.

⁶⁰ Kamoo ke utloelang monna oa hae bohloko, motsoalle oa hlooho ea khomo. Ke utloela bashanyana bao bohloko hakakang, ho utloa molaetsa oa ba bang ba bona koana Jeremane le libakeng tse fapaneng, 'mè o iketse. Empa e ka ba o tlohile ka pel'a sefahleho sa lona mona, basheman, empa ha a—ha a shoa. O phela kamehla. O phela Naheng eo a rapeletseng hore e mong le e mong a kopane le eena teng. Le se ke la mo soabisa. Ke a tšepa a ke ke a ba joalo.

⁶¹ Ke bona sepeke se seng se khenotsoe lebiling leo, thapama ena. Ke hopola mohla sepeke sa pele se ne se khenoloa lelapeng leso. Ba tla kotholoa, ka bonngoe ka bonngoe. Ho ke ke ha ea halelele haholo. Mamelang. Lebili leo le ka teanngoa 'moho hape, Lefatšeng le leng moo mabili a robehileng a leng sieo, moo moruo o moholo oa Molimo o ka finyelloang 'me o ka thetheha oa phikoloha joalo ka lilemo. Ho ke ho be joalo, lelapa. Haesale le na le mè; joale le lule le eena kamehla. Ke hantle.

⁶² Ntho e 'ngoe e ileng ea hhalosa lerato la Molimo. Haeba ke utloisia, ho thoe, kopo ea hae e ne e le ho se tsofale le ho likalika halelele, ho tlameha ho likalika le ho jaroa a kakasetsoa hohle botsofaling, le ho holofala le—le ho kula, le ho shoa hanyane-ka-hanyane. Molimo o abile qelo eo. Ke hantle. Khele, Sontaha tse 'maloa tse fetileng, o ne a eme mona setulong sa kereke, a ntse a bina Evangelie tlotlehang ea Kreste.

⁶³ Taba ena ke'ng? Taba ena ke'ng ea 'mè, ea shebahalang, a ka ba lilemo tse mashome a tšeletseng a metso e mehlano, a tsamaea pele ho nako, a ikela? Ebe hoo ho bolelang? Ke Molimo o ntseng o Itlhalosa, ho re, "O ke ke oa honyetsa molemo ofe ho ba tsamaeang ka ho loka pel'a Oona." Molimo, o hlilosang hona lefung la hae, ke Molimo o hlilosetsang rona, hore Ke Molimo, 'me Otla nea bao takatso ea pelo ea Oona, pelo tsa bona, ba tlang ho tsamaea ka bokhabane pel'a Oona.

⁶⁴ Ka ho bona sena, hore Ke Molimo, 'me bohole re loketse ho tla sebakeng sena, joale ha re shebeng matšoao a Oona a litlhaloso. Lerato la Oona, Kereke ea Oona, batho ba Oona, le ntho e 'ngoe le e 'ngoe e leng teng, tsohle ke litlhaloso tsa Molimo ho rōna. Ke moo ke hopolang bohole re tlameha ho inamisa lihlooho tsa rona ka boikokobetso le ho leboha Molimo ka bophelo bona boo, ka Kreste, o hlotse esita le lefu ka bolona.

⁶⁵ 'Me hape le Mantsoe a Jesu mohla A ileng ho morali oa Jairuse, "Ha aa shoa, o mpa a robetse." O ithobaletse borokong ba hae, feelsa e mpa e se ho isa lefung la hae. Hoba o ne a shoe lilemo tse ngata tse fetileng, e sa le ngoananyana, 'me joale o phela ka ho Kreste; 'mele o ithobaletse feelsa, ho rona, feelsa o phaphame ho Kreste.

⁶⁶ Ha re inamiseng lihlooho tsa rona ke hona 'me re lebohe bophelo bona bo khabane.

⁶⁷ Ntate ea Maholimong, U hlile u tseba lipelo tsa rona, U ehlide u tseba mehopolo e kelellong tsa rona. U tseba tsohle ka rona. Re 'Mōpo oa letsoho la Hau. U tseba hore re masoabi ho bona Khaitseli Bell a tlsooa ho rona. Empa, Molimo, re inamisa lihlooho le lipelo tsa rona, ka teboho haele moo kopo ea hae e abiloe, le haele moo takatso ea Hau ka eena e phethiloe. Hore, esita le mona qetellong ea tsela, pale ea hae ea lefu e ngotsoe bophelong ba motho e mong le e mong eo a kopanang le eena, hore e ne e le lekhabunyane la Hau. Khahlameloa hae e lule halelele lipelong tsa bohole ba mo tsebang. Molimo, re U rapela ho phomotsa moea oa hae o khabane Lefatšeng leo a le ratileng, a binne ka lona, lilemo tsena tsohle.

⁶⁸ Ke rapella Jimmy, thapama ena, Morena. Ha ke 'mona a lutse mono, 'me o ntse a hlalosa mehopolo ea hae nakong eo meokho e hlakileng e keleketlang lerameng la hae. O ntse a nahanne ka mosali ea tsepahalang. Le ka bana bana, meokho e phalla marameng a bona, ba ntse ba nahanne ka 'mè ea ratehang. 'Me re a rapela, Molimo, hore U tle u ba hlohonolofatse. U tselise lipelo tsa bona. Ottolla Letsoho leo, moo ntho efe e ke keng ea fihla, le ka fihla pelong ea motho, le ho ba fa khotsofalo e kholo ena, hore ka tsatsi le leng re tla kopana hape, 'me ha re sa tla hlophisa tšebeletso e 'ngoe ea lepato Mono.

⁶⁹ Hlohonolofatsa baratuoa ba hae, banab'abo, likhaitseli tsa hae, litloholo tsa hae, le baahisani ba hae.

⁷⁰ Le likereke tsena, Morena, re tseba kamoo li neng li mo rata kateng. Ha a ntse a tsamaea hara rona, bona, o tsamaile hara bona. 'Me 'moho, le bona, Morena, re—re arola maikutlo ana a maholo a kopanelo, a reng re ne re mo rata. 'Me re mona ho hhalosa teboho tsa rona—tsa rona—tsa rona ho Uena, ka bophelo ba hae.

⁷¹ Re bope, Morena, 'me o re etse, hore le rona, ha re fihla pheletsong ea tsela, re be re itokiselitse ho kopana le Uena. Oho Molimo, re tšoarele libe tsa rona tse ngata. Re hauhele, Morena, hoba re a fokola 'me re tepeletse.

⁷² 'Me ke rapela hore U tle u re tšelise, thapama ena. Re ke re a fumane mantsoeng ana a hhalositsoeng a tsoa Lentsoeng la Hau, ka bareri ba fapaneng, le ba khethiloeng ho tlisa tse joalo, le ka baahisane le metsoalle. Re ke re fumane ka mono, ka bopaki ba—ba lipalesa, le lifate, le mahlaseli a letsatsi, mahlaku, 'me —'me holim'a tsohle, ka Boteng ba Moea o Halalelang, o pakang tsoho ea Kreste. "Nke ke ka le tlohela la ba likhutsana. Ke tla rapela Ntate, 'me O tla le nea Moemeli e mong, 'me O tla hlola kamehla." Oh, kamoo re Mo ratang kateng, Morena! 'Me re anabela hakakang haele moo U Mo rometse ho rona, ho re fa kholiso ena e bokoang lihoreng le nakong ea tlokotsi.

Joale re fe matla a tlatsetso bakeng sa tšebeletso e tlang ho hlahlama.

⁷³ Ke batla ho kopa ntho e ikhethileng, Morena, joale bakeng sa bashanyana bana ba lutseng mona ba apere junifomo. Ho hlohonolofatsoe bashanyana bao, kaha ba tla tlameha ho khutlela litemeng tsa bona. Empa ke a rapela, Morena, ka tsatsi leo... Re anabela junifomo ena eo ba e apereng hona joale. Empa thapelo ea 'mè e ke e arabeloe: ba ke ba apare khalalelo le ho loka ha Jesu Kreste, letsatsing leo. Banana, le bohole 'moho, Morena, ke seo re batlang ho ba sona, masole a Bakreste, tumelo e matla ruri. Re tataise o re tsamaise ho fihlela tsatsi leo, Morena, mohla re kopanang hape.

⁷⁴ Re U leboha ka bophelo ba hae joale, le ho U rapela ho lula le rona bohole ho fihlela bohole re kopana maotong a Hau. Ka Lebitso la Jesu re a kopa. Amen.



LITLHALOSO SST62-0313
(Expressions)

Molaetsa wona, ka Moena William Marrion Branham, o rerilwe sethatong ka Senyesemane Labobeli thapama, Hlakubele 13, 1962, lepatong la Khaitseli Mary Bell, mane Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org